


北京圖書館出版社

福建師範大學圖書館藏
稀見方志叢刊



方寶川
陳旭東◎主編

福建師範大學圖書館藏
稀見方志叢刊

方寶川

陳旭東◎主編

15

北京圖書館出版社

武職

吳子之見魏侯也儒服阿蒙益於讀書繫言何可
作博士國家安不忘危由省會建州邑各設部屬
豈無投壺奕棋若其人手

國朝前朝未設防守未載

守備

司逢吉 廣平衛人將材順治戊子任

郝民服

吳文耀 大興人官生順治戊子任

劉大賢

順天人
倡修鍾樓四門

順治乙未任

羅雲登

廣寧衛人
倡建朝天拱辰二橋

任陞浙江

方逢時

田朝弼

米脂人行伍康熙丙辰任

程瑋

杞縣人行伍康熙己未任

陳現龍

寧夏人行伍康熙癸亥任陞

千總

高虎

安塞人將材順治辛卯任

董世滿

鼓噪入山招回人順治戊子任

廖騰煌 廣寧人優恤恩生康熙丁巳任

護理千總 康熙二十七年守備
奉裁以千總護理

黃廷機 大興人行伍康熙庚午任

黃捷 漳浦人功加左都督康熙丁丑任

雷震元 北直人本縣把總康熙庚辰任

把總

趙仕 遼東人順治辛卯任

王邵龍 諸暨人行伍康熙丙辰任

劉化鳳 武昌人行伍康熙丙辰任

雷震元 北直人行伍康熙己巳任

程得功 徽州人行伍康熙己巳任

林芳 本姓黃同安人行伍康熙庚辰任

高世虎 浙江人行伍康熙庚辰任

名宦

宦不為名夷考蕭項後先諸君子行實抑何彰彰也夫長子孫以升斗好官自為名弗齒焉其政績茂異不愧良吏風者落々如晨星耳亟勒之以為綰命勸志名宦

梁

江洪濟陽人善屬文與吳均柳渾同有時譽

查府志入

唐

蔡矩弋陽人昭宗時以刺史謫建陽令遂家崇安元

定八世祖也

查府志入

宋

杜杞字偉長無錫人天祐中知縣強敏有才邑俗老而生子多不舉杞使保伍相察犯者加罪俗為之

易

秦黃裳字叔文晉江人祥符初進士從號縣改任秩滿民遮使者乞留再任從之後知陳州

蕭之敏字敏仲九江人乾道間知建陽縣下車首崇學校以邑中先賢陳洙陳師錫游酢皆有學行可

師立三賢祠祀之擢御史召為國子祭酒使湖南
卒々時貧甚邑人聞之咨嗟惻愴請於後令姚耆
寅合而祀之曰四賢

姚耆 會稽人以聖賢之學興士斥金鷲書上自六
經下及訓傳子史若干卷充入學宮世儒所誦科
舉之業一無所與聞邑人稱前令蕭之敏之賢為
肖像祀於三賢祠榜曰四賢朱文公為記

儲用字行之晉江人進士慶元中知建陽縣有惠政
朱文公稱之會黨禁起罷去後再經建陽民方苦

繆令擁其車入縣大呼曰以儲長官也好做樣子
累官直文華閣知廣州

劉克莊字潛夫寶慶中知建陽為文力追騷雅在任
首闢考亭祠化行政舉人稱循吏

黃千里淳祐中知建陽縣有興學功後令趙興迫以
縣學始於儲用而成於千里立祀學宮查名宦未
後祀

陳德符字伯厚寧波人淳祐中丞朱文公有詩送之

還鄉查府志入

游欽字敬仲應祥之子也幼受學於家研精覃思求

繼前人至元間用薦省授邵武簿遷建陽知縣地
屬隣封恐民玩狎欽抗行厲廉寬嚴迭濟勤撫字
緩催科以身為邑保障邑人久而懷之卒之日士
民奔哭其家

元

陳天錫泰州人進士公廉勤政嫻於文辭在任重修
學宮明倫堂又撰述先師四配及沒祀諸賢封號
詔制勒碑於大成殿前以示尊崇之意云

辛思謙進士工文辭勤吏治見澤宮兩廡傾頽遂飭

工它材捐俸新之在邑慎刑緩賦以惠愛著稱焉
明

郭伯泰性廉潔愛人時廣東有部卒道出本邑甚擾
民公與丞陸鑑計銅卒於獄而以狀聞賜勅嘉獎
陞泉州府同知

陳敏永嘉人舉人初至值歲饑勸諭富民出粟以賑
貧者存活甚衆次年又旱齋沐默禱澍雨隨降其
年大稔在任均徭慎刑恤隱釐弊政化大行任滿
拜御史

徐鐸饒州人以伉直不諧謫為令居任不事逢迎獨勤教育獎勵生徒重建戟門兩齋士林重之

張光啟建昌人在任禁奸禮賢吏不敢欺而人心悅服公署學校構繕一新

龍韜曲江人勸農興學舊澤宮前有石橋橫跨油溪口年久頽塌公重用石甃之更名進賢民甚便之項旻字崇人瑞安人進士新學舍旌孝節禮先賢立義塚政平頌簡俗幾為變以外艱去民遮泣像祀

查府志入

海澄字靜之南海人進士重儒術廣設義學以迪蒙
士在任省賦清刑百姓不見科歛追呼之擾尋擢
御史

江律字用和樂平人進士學問優瞻占對詳敏當道
廉其治行第一擢御史

張津字廣漢博羅人弱冠登制科練達老成以興利
去害為務俗多尤賴驗實必反坐之里民有鬻妻
子以償稅者輒捐俸代納曰忍爾骨肉離散耶歲
歉賑恤多方作際留等倉民賴全活浙賊流劫驚

至境上練丁壯飭器械登陴以守賊遁後復壘石
築城綜理周密不踰年告成其注意蠻序登銅盞
簋悉易以銅在任七年歷官戶部侍郎贈尚書祀
名宦祠

戚雄字世英金華人進士持已甚峻近民則平易易
親務植善良抑豪猾及復舊學建學田一切公私
常費悉有以便民三載調劇南海尋授御史

邵涵字宗周東陽人進士舊邑糧多飛詭豪者不賦
而田孱者無田而賦公銳然立法清丈沿丘履畝

纖毫必析夙弊為之一清在任興學校增學田毀
淫祠禁巫覡六年政修人和民無札瘥擢御史
項錫字秉仁嘉興人進士公恕廉勤在任建諸賢祠
廣儲倉庫招延四方名士為學弟子師多所成就
四載遷刑部主事邑民構亭城北以系去思

薛宗鎧字子修揭陽人進士聽政明敏操心廉潔其
大端崇學校獎節義禁止妖巫又開陂築修橋道
遇歲歉豁省全歲丁料民甚德之擢給事中祀名
宦祠

朱默字時言太倉人進士清廉好士在任未及一暮
政聲噴々時儒學西廡圯公修葺之仍創講經堂
及號房數十間以居肄業之士又請建尊經閣未
幾以憂去士民思之

李東先字晉卿南昌人進士清操善政聲稱藉々查
府志入

馮繼科番禺人舉人工辭賦勤吏事在任九年以循
良著聲纂修邑乘民至今誦其德云

李思寅字子衷潮陽人進士邑經兵燹後民困徵輸